

ՄԱՆՈՒԵԼ ԱԲՐՈ

ՄԻԶԱՉԳԱՅԻՆ

ԲԱՆԱՏԵՂԵՐԵՐ



Կ. ՊՈԼԻՍ

ՏՊԱԳՐԱԳՐԻԿ, Յ. ՄԱՑԹԱԿՈՒՐԻ

1896

64 031

ՀԱՅԱՍՏԱՆԻ Թ. ԽՈՏԵԱՆԻ Կ. ԸՆ.

ՄԱՆՈՒԵԼ Ա. Խ. Մ. Ա.

ՄԻԶԱԶԳԱՅԻՆ

ԲԱՆԱՍՏԵՂՑՆԵՐԸ

6403 թ. Ա. Խ.



Կ. ՊՈԼԻՍ
ՅՈՒՆԻՎԵՐՍԻՏԵՏ 8. ՄԱՍԹԵԱՆՆԵՐ

1896

ՅԱՌԱՋԱԲՈՆ

ՏՊԱՐԱՆ, ՎԻՄԱԳՐԱՏՈՒՆ, ԿԱԶՄԱՏՈՒՆ
ԵՒ ԹՂԹԱՎԱՃԱՌԱՆՈՑ
Յ. Մ. Ս. Թ. Է. Ռ. Ս. Խ. Ա. Ն.
27, Ֆինանսներլար եօգութու, Կ. Պոլիա



معارف عمومیه نظارت جلیله سنك ۱۲ ذی القعده ۳۱۳ و ۱۳ نسان
تاریخی و ۶۳ نومروی رخصتname سبله طبع اوئنشندر
۳۱۲

Նկատելով որ մեր ազգին մէջ վերջերս զար-
մանալի յաւակնութիւն մը կայ ընթերցանութեան
եւ ուսումնասիրութեան, եւ միւս կողմանէ տես-
նելով որ Եւրոպական մեծ հանձարները մեջ՝ շա-
տերուս, անծանօթ մնացած են, — մանաւանդ
հասարակ ժողովրդին — ինքզինքս երջանիկ հա-
մարեցի աշխարհիս էն նշանաւոր 11 հանձարնե-
րուն վրայ ուսումնասիրութիւն մը հրատարակելով։

Սյս ուսումնասիրութիւնը խիստ համառօտ է՝
սակայն այդ մեծ անձերուն կենսագրութիւններուն
վրայ ընթերցողին ընդհանուր եւ ամիսոփ գաղա-
փար մը տալու գերազանց առաւելութիւնը կը կը ՝
որով թէ հասարակ ժողովուրդը եւ թէ դպրոցա-
կանները հաւասարապէս կրնան օգտուիլ։ Առա-
ջինը՝ այսինքն հասարակ ժողովուրդը կրնայ օգ-
տուիլ որովհետեւ Եւրոպական լեզու ըստ չի գիտեր՝
որուն միջցով այդ հանձարներուն կեանքերնուն
վրայ կարենայ ճոխ աղբիւրներ գտնել, երկրորդը
կրնայ օգտուիլ որովհետեւ փոխանակ միտքը յոգ-

Դ

Նեցնելու Եւրոպական դժուարին լեզուներով՝ կրնայ քուն իսկ իր մայրենի լեզուով՝ քաղել նոյն ուսումնասիրութիւնը թէեւ համառօտ, այլ ամիսոփ եւ լեցուն (fulle) :

Այս ուսումնասիրութիւնը արդէն մաս, մաս ձերիսէի Շարդիյէի մէջ հրատարակած ըլլալով՝ այս անգամ գեղեցիկ գրքոյի մը մէջ կ'ամփոփեմ եւ հրապարակ կը հանեմ:

Ա.



ՄԻԶԱԶԳԱՅԻՆ

ԲԱՆԱՍԵՂԾՆԵՐԸ



ՇԷՑՔՍԲԻՐ

ՊԻՒԼԵԼՄ ՇԵՑՔՍԲԻՐ՝ աշխարհի բանաստեղծական պատմութեան ամենէն փառաւոր գիւցազն է, որովհետեւ իր պատկերները Հոմերոսին նման կէս մը պատմական շրջանի մժութեան մէջ չեն տատանիր, ոչ ալ իր պլազմն և սուրացող հանճարը՝ մուժդարերու տարտամ ստուերներու մէջ կը բեկրեկի։ Մանուկ հասակէն գործեց և աշխատեցաւ խաղաղաւէտ երկրի մը գլխաւոր գիւղաքաղաքին մէջ, աշխատ մը՝ ուր բարձր իմա-

ցականութիւն և բարոյական յայտնութիւն կը
շողշողային . . . :

Եէյքսրիրի առօրեայ կեանքին մանրա-
մասնութիւնները կը տեսնենք (Քրուվերիան
իւնիվերսի բառ բրէսէնթ)ի մէջ :

Ճշդրիտ կերպով չենք գիտեր անոր ծնըն-
դեան թուականը կամ տունը՝ ուր տեսաւ
առաջին լոյսը, և կամ իր կեանքին մէկներ-
գործիչ բանը մկրտութեան օրէն մինչեւ ամուս-
նութեան թուականը :

Աւանդութիւնը կ'ըսէ թէ՝ անիկա 1553
ապրիլ 23ին, Սդրատֆըրտի մէջ ծնաւ. սա-
կայն երբ տասը տարեկան եղաւ այն ատեն
գիտցուեցաւ թէ՝ պատուաւոր անձի մը որ-
դին էր։ Սդրատֆըրտ անստոյգ հնութեան
փայլ մ'է և ճանչցուած՝ իբր Սդրիտ Թրյու
« ծանծաղ փողոց » անունով։ Ահաւասիկ այս-
պիսի անդորր գիւղագաղաքին մէջ Եէյքսրիր
ծնանելով, իր նախնական տարիները պար-
զութեամբ անցուց և իր գերահրաշ հանճա-
րին չնորհիւ այդ աննշան գիւղը՝ աշխարհի
խուղարկութեան կերպով դարձուց։

Թէ ի՞նչ էր Եէյքսրիրի գաստիարակու-
թիւնը . . . յիրաւի՛ խիստ հետաքրքրական է
« պատճառը » խուղարկել. . . նամանաւանդ

ամեն անոնց՝ որոնք մարդ պատրաստելու բո-
վանդակ գաղանիքը գաստիարակութեան մէջ
կը փնտուեն. մեծագոյն մարդիկ իրենց թէ
մոպային և թէ բարոյական նախնական դա-
սերը իրենց մայլերէն առած են :

Եէյքսրիր իր գիւղին վարժարաններէն
մէկուն մէջ քիչ մը Լատիներէն և Յունարէն
սորվեցաւ, սակայն գործնական կեանքը սկսե-
լէն մէկ քանի տարիներ առաջ Թրանսերէն և
Խտալերէն սորվեցաւ՝ այս վերջին լեզուն գրե-
թէ այդ ժամանակ ընդհանրացած էր և ան-
պաշտօն շատ գործեր այդ լեզուով կը կա-
տարուէին :

Բանաստեղծին նկարագիրը քննելով —
թէև այդ մասամբ անձանօթ կը մնայ — կը
տեսնենք թէ բարոյականութեամբ համակ-
ուած էր, որովհետեւ երբ հայրը աղքատու-
թեան և թշուառութեան մէջ ինկաւ, զանի-
կա ապրեցիելու համար եղջերու որսալ կ'եր-
թար։ Մինչ դաշտերուն մէջ այսպէս որսոր-
դութեամբ կը պարապէր, բնականաբար Բի-
շարտ Հէտէվիշյի խրճիթը կ'այցելէր։ Բիշարտ
Աննա անունով աղջիկ մը ունէր՝ որուն ծուն-
կերուն վրայ Եէյքսրիր մեծցած էր։ Այդ աղ-
ջիկը մինչեւ 26 տարեկան հասակին մէջ չա-

մուսնացաւ, բայց յետոյ մեր 18 տարեկան սիրուն Շէյքսպիրի ափկինն ըլլալու պատիւին տիրացաւ 1582 նոյեմբեր 28ին։

Հինգ վեց տարիներու միջոցին ափկին Շէյքսպիր երեք զաւակներ ունեցաւ, սակայն յետոյ մէկ քանի տարիներ այդ վառքերէն զրկուելով շատ գառն ազգեցովթեան մը մատնուեցաւ, և այս գառնովթիւնը կրկնապատճուեցաւ երիտասարդ Շէյքսպիրի տունէն հեռանալով։

Շէյքսպիր իւր անհուն և բազմաթիւ գործերուն երեւելիներէն մին գրած է քսաներկու տարեկան հասակին մէջ։ Հեղինակը այս գործով արամաբանութեան այնքան կարողութիւն կը ցուցնէ՝ որ Դանիական պատմութեան՝ որուն վրայ շնուռած է այս գործը՝ արամաբանական սնունդը ծծած է։ Ասկէ վերջը որիշ գործ մը — Միջնամառնային կամ կէս ամառուան գիշերներուն երազը — էյ միտարմիլը նայտութիւն — հրատարակեց։ 1586 ին Շէյքսպիր Ստրատֆլորտը ձգելով լընարն գնաց, և հոն վենուս և Աստիսը հեղինակեց։ Եւ յաջորդաբար հրատարակեց Տհի Ֆրոնդ բարդ օժ Տհի գոնդէնշը պէլուիիս դու Ժէյմս հաւզը

եօրի էնս լանսէսըր, — Եօրփի Բիչարտ դուքսին երկու ողբերգութիւնները, Տիտոս եւ Անտրոնիոս եւայլը։ Ասոնք առաջին արտադրութիւնները եղան, յետոյ մինչեւ 1592 — 96 հեղինակեց թագաւոր Բիչարտ երբորդը, Վինետիկի Վաճառականը, Ամեն բան լաւ է եթէ վախճանը լաւ է։ Սփեն ոլր՝ Շէյքսպիրի երկու պատմութիւնները կարգալով այնքան գնահատած է որ, իր մէկ երեւելի գործին մէջ անոր կոչում կ'ընէ։

Տասնեւելվեցերորդ գարուն վերջին Յ տարիները, անոր կեանքին պատմութեան ամենէն հետաքրքրական և կարեւոր կէտերը կը պարունակեն։ Այս տարիներուն մէջ երեւցաւ թագաւոր Ճօն, Վինասօրի զուարթ կիները, Տասներկուերորդ գիշեր, Հէնրի հինգերորդ թագաւորը, մինչ գուք կը սիրէք զայն։

Անգլիացի երկու ականաւոր անձեր իւրենց գործերուն մէջ երկարօրէն Շէյքսպիրը նկարագրելուն վերջ կը յաւելուն « — Շէյքսպիր երկու բարեմանութիւններ ունի — անսահման կարողութիւն և կամքի զօրութիւն »։

Հազար հինգ հարիւր իննուսուն և ութին մեծ յաղթանակ մը տարաւ երբ՝ Թհի միւրրի վայված օժ Վինսար — Վինսորի գուարթ

կիները » հրատարակեց . այս ժամանակ իր հանձարին մեծութիւնը և տիեզերականութիւնը ամենէն ընդունուեցաւ : Դերորդ դարուն առաջն տասը տարիներուն մէջ հրաշալի գործերուն շարունակութիւնը կը տեսնենք , — 0թէլլօ , Աթէնք , Յուլիս Կէսար , Անթոնիոս և Կղէոպատրա ևայլն : Շէյքրիլ Լոնտօնցիներուն առջեւ իր սուրացող հանձարը հոչակելէ վերջ Սգրատֆըրտ դարձաւ :

Հանձարի երկու մեծ բաժանումներ կան , մէկը իր դպրուն հոգիին կարօտութիւնները կը հայթայիթէ , իսկ միւսը իր ովանն տարրական ճշմարտութիւններու մէջ կը դանէ : Աշխարհի երեք մեծ բանաստեղծները առնենք — Հոմէր մարդկային բնութեան պարզագոյն տարրերը իրեն նիւթ ընտրած էր . Տանթէ քաղաքական բանաստեղծ մ'էր՝ որովհետեւ քաղաքական բարեշրջում մը յառաջ բերել կ'ուղէր , ուստի քաղաքական բանաստեղծ կոչուեցաւ . յետոյ երկնքի իր բարեկամներուն դրեց՝ որոնցմով հոգեկան բանաստեղծ կոչուեցաւ : Սակայն Շէյքրիլ պարզապէս կը ներկայէ մարդուն տիեզերական միագը և անոր անփոփոխելի բնութեան յաւիտենական ճշշմարտութիւնը :

Ինչպէս ըսինք այդ ժամանակ իտալական ազգեցութիւնը բոլոր Եւրոպա մուտ գոնելով ամբողջ բանաստեղծութիւններու վրայ քիչ կամ շատ ազգեցութիւն գործած էր . սակայն Շէյքրիլի խորհուրդին , ոճին և ոչ մէկ գործին վրայ իտալական ազգեցութիւն կը տեսնենք :

Շէյքրիլի 0դէլլօն ինքնին տիպար մ'է հեղինակին եղական հանձարին ի՞նչ այլայլումով և գերմարդկային ի՞նչ յափշտակութեամբ կ'ունկնդրենք Էմիլիայի վեհ հոգիին . . . նա մասնաւանդ երբ զայն անմահն Աղամեան ներկայէր :

Շէյքրիլի գործերը չեն համրուիր . հոսյիշուածներն միայն զլաւաւոներն են , և այս կենսագրականը խիստ փոքր ուրուանկարն է անոր մեծ կեանքին՝ ինչպէս կաթիլ մը ջուրը Ովկիանոսին հետ :

Անգլիացի , Ամերիկացի եւ Եվրոպացի նշանաւոր հանձարներ անոր կեանքին նուիրած են խոշոր խոշոր հատորներ . սխալ չհասկցուի , լոկ կենսագրականը : Անոր միտքը , հանձարը գերագոյն բնութեան մը ալսուայացուչ նշաններն են . երեւելի գրագէտներ և բանաստեղծներ՝ որոնց մէջ Հայ բանաստեղծ մ'ալ կայ ,

այնչափ անոր վլայ հիացած են որ, յանդգնած
են մինչեւ իսկ զանիկա կէ՛ս ԱՍՏՈՒԾՅԸ տիտ-
ղառով մկրտել:

Յշխարհո կակնկալէ ՇԵՐՔԱՐԻՐ մ'ալ.
կարծեմ ասոր հաւասար չակնկալեր ։ Նոր
ՇԵՐՔԱՐԻՐ մը կրնայ ձնանիլ, բայց ոչ թէ նոր
պատողներով ։

Մարդկութիւնը կուրախանայ ՇԵՐՔԱՐԻՐ ն-
ունենալով, իսկ Յնդլիա կը փառաւորուի զա-
նիկա արտադրելով ։



ՎԻՖԹՈՒՐ ՀԻՒԿՈ

Իմ բոլոր դիտողութիւններս (¹) կը հաս-
նին Հիւկոյի բովանդակ կեանքին վրայ, որով-
հետեւ մանկութենէս զինք կը ճանչնամ, ա-
նոր կը պարտիմ բոլոր յառաջդիմութիւններս ։
Ծնողքս երբ Լիօն կը բնակէր՝ որ հարաւային
ֆրանսացիներուն համար աքսորավայր մը ճաշ-
ցուած է իր սեւ, տիսո՞ւր, անմիսիթար ու չոր
տուներովը՝ մեր արեգակը Վիքթոր Հիւկոն
էր ։ Երբ պատանի էի գիշերները յաճախ կար-
թըննայի, կը վառէի աղօտ լամբարը՝ որուն
լոյսը կը բեկրեկէր մուայլ մութին մէջ, և կը
կարդայի Վիքթոր Հիւկոյի « կը քնանաք, որ-
դաքներ » գործը:

Հիւկո ոչ միայն բանաստեղծ մ'էր՝ այլ
մեծ քաղաքացի մը ։ Արդի եռանդուն երի-
տասարդութիւնը գէթ սրտով գիտէ « Շաթը-
մանը » Այն ըռպէին ամբողջ ֆանսոա իր աչքը

(¹) Ալֆօնս Տօտէի Վիքթոր Հիւկոյի վրայ ունե-
ցած հիացումին մէկ համառօտ թարգմանութիւնն է։

ուղղեց այն կղղին՝ ուրկէ Հիւկոյին անմահ գործերը սկսան Բարիզ տեղալ. — «Գօնթամբւասիօն», «Եանսօն աէ րիւ է աէ պուա», «Թը-րավայեէօր տը լա մէր», «Լ'Օմ քի ռի» — որոնք հեղինակին հսկայ թուիներ տուին բանստեղծական կեանքին մէջ եւ դարձեալ որոնք անհամար բազմութիւններէ ընդունուեցան :

Ֆրանսայի այս օրուան բոլոր բանաստեղները՝ որոնք Հիւկոյի զաւակներն են, իրենց սբանչացումը յայտնած են անոր հանճարին անսահմանաւորութեանը վրայ : Կը նանք երեւակայել Հիւկոն՝ նստած ժայռերուն վրան՝ զորոնք մոնչող ալիքները կը կոծեն, և իր աչքերը ուղղած ճերմակ նաւասաթիներուն՝ որոնք անդադար կը մարտնչին ամենի ալիքներուն դէմ: Այդ կղղին՝ Հիւկոյի տեսակ մը վայրենի վեհափառութիւն հագցուցած էր : «Կղղիները», ըստ անցեալ օր բարեկամներէս մին, «մեր պատմութեան մէջ շատ փառաւոր էջեր պիտի դրաւեն . . . այն կղղին՝ ուր Վիքթոր Հիւկո ժամանակ մը անցուց, ոչ նուազ փառաւոր է եւ բարեբաղդքան այն՝ որ տեսաւ նաբօլէոնի ծնունդը: Վերջապէս երկրին դռները բացուեցան

Հիւկոյի առջեւ, բայց բանաստեղծը չէր ուշեր դալ:

Երկար բացակայութենէ մը վերջ Հիւկո Բարիզ վերադարձաւ: Երբ Ս. Ղաղարու կայարանը հասաւ՝ ժողովուրդին կողմանէ խանդավառ ցոյցերով ընդունուեցաւ. Հիւկո յուղուած այս մեծ ընդունելութենէն բարձրածայն լայցաւ . . . :

Ա՛լ չէինք վախնար, բանաստեղծը մեր մէջն էր, առաջին անգամ զինք երես առ երես «Թէադոր Ֆրանսէզի» մէջ տեսայ: Իրեն բացակայութեամբը Բարիզին շատ նեղուած էր, և այժմ կը փոխարինէ խնճոյքներով և սեղաններով: Տիկինս և ես հաւասարապէս սբանչացած էինք Հիւկոյի վրայ :

Առաջին անգամ երբ իրեն ներկայացայ՝ երբէք սարսուռ մը չզգացի, ինչպէս առ հասարակ կ'զգայ մարդ, երբ հպարտ մեծի մը առջեւ կ'ելնէ, իր պարզ և խաղաղ ընկերվարութիւնը լանարհութեան տիպարին կը հասցնէր զինք: Այտերը ժայռի գոյն մառած էին ծովուն փչող հովերէն և այլով արեգակէն մօրուքը և մազերը կարճ, աչքերը դժոտ և խոր, մասնաւորապէս արագաշարժ:

Գիշեր մը միասին անցուցի հետը եր-

կարօրէն աեսակցելու բարեբաղդութիւնը վաշյելելու համար . խիստ զօրաւոր յիշողութիւն ունի , բան մը չմոռնար , կարծե՛ռ թէ գլխան մէջ գարեր կան , աշխարհի ամբողջ պատմութիւնը , մասնաւորապէս Թրանսայինը աներեւակայելի արագութեամբ կը յեղյեղէ :

Մատամ Տուէ⁽²⁾ , Հիւկոյի անգին բարեկամը , որ անոր հետ կղզին կը գտնուէր , սպիտակ մազերով և ժպտուն դէմքով անոր քով կայնած էր :

Վերթոր Հիւկոյի առողջութիւնը զարւանալի էր , իր 80 ձմեռները դեռ գարունի մը կեանքը ցոյց կուտային , իր հնչուն ձայնը անուշիկ հովին առջեւն իյնալով , օդը կը թըրթըրացնէր ծեր առխւծի մը մոնշիւնին պէս . բաց պատուհանին առջեւ կը դործէր , ամեն առաւօտ պաղ ջուրի մէջ լոգանք կ'ընէր երբ ձմեռը փոթորկալից և ծիւնաշունչ օդին մէջէն կառքով Սինոդէն կը վերադառնար՝ կառքին պատուհանները չէր դոցեր :

Հազիւ իր սիրելի Բարիզը հասաւ , եւ ահա ամեն կողմ խանդ ու եռանդ սփռեց , հանդակառքերը վերսկսան իրենց անընդհատ

(2) Մատամ Տուէ՝ Հիւկոյի սիրելի շունն է .

վազվուառքը : Հիւկոյի մեծագոյն հաճոյքն էր առաւօտուն կանուխ օմնիպիւս մը հեծնել և շըագայել ամբողջ քաղաքը , անցնելով հաշագեղ պուլպարներէն , գործաւոր դասերուն մէջէն մինչեւ աղքատ թաղերը : Ո.մէն օր բանաստեղծը իրեն նիւթ կընտրէր նորամնոր անշկիւններ՝ գեռ Բարիզը առաւօտու անուշ եւ բազէն չարթնցած : Եւ ասկէ աւելի տեսաբաններու չէր կարօտեր , որովհետեւ ասոնքը բաւական էին իր զթոյ զգացումները արթնցնելու և երեւակայութիւնը գրգռելու : Մեծանուն բանաստեղծը ուշագրութեամբ կը դիտէր Բարիզի այլ եւ այլ մասերուն պերճաշուք ապարանքները , որոնց պատուհաններուն բաղմազարդ վարագոյնները կէս մը բացուած կարտուապատկերէին ներսի շացուցիչ արգուզարդերը , և միւս կողմանէ դարձեալ կը դիտէր աղքատներուն թաղերը , իրենց խարիսուլ ու խոնաւ տուններովը , որոնց մէջ արեգակին ճառագայթները հազիւ կը թափանցեն , և ուր մարդկաւթեան էն թշուառ արարածները կը ընակին : Վերթոր Հիւկոյն չ միայն ասոնք այլ հարաւ . Թրանսան և Մարտէյլը իր խուզարկութեան նիւթ ընարած էր :

Առաւօտեան պատուաը լմնցուցածին պէս

աղուորիկ ճաշ մը կ'ընէր, և երբ կիմանար թէ պաշտօնատունին մէջ որ և է գործ չունի, մինչեւ իրիկուն կը դրէր և կը գործէր. ի՞նչ խորհուրդներ և երեւակայութեան ինչ ալիքներ կը հանէր իր վեհ գլխէն: Իր ձմեռ տարիքին էն վերջին փառաւոր գործն՝ որ ամեն տեղ ախորժով կը կարդացուի, «Թօրդուէմատա»ն է որ ճարտար տրամաբանութիւն կը պարունակէ:

Հիւկո բան մը չկարդաց, որովհետեւ ժամանակ չունէր: Մինակ էմիլ Զօլայի միկարօյի մէջ հրատարակած մէկ գործը որ իր ուշադրութեան յանձնուած էր, կարդաց:

«Նօթը Տամ տը Բարին իր վիպագրութիւններուն գլխաւոր առարկան եղած էր, անոր գրական ազգեցաւթիւնը անսահման էր, թէ արձակ և թէ ոտանաւոր գրեթէ հաւասար աստիճանով կը դրէր:

Ֆրանսայի պէս իմացական բարձր երկրի մը հանձարներն . — Լամարթին, Մուսեիթ, Փիէո, Տիւփոն, Պէրանժէ սիրուն արթիսդները — Պուռժէ, Պանվիլ նաեւ ժամանակից բանաստեղծը, Ֆրանսուա Գորէ — կը կազմեն գերմարդկային սէոնի մը որուն վարչապեաը Հիւկոն է:



Այցելուներուն ընդունելութիւնները բանաստեղծին կեանքին մեծութեան զարմանալի ապացոյցներն են. Պրազիլիոյ կայսրէն և Սանտուիչ կզզիներուն թագաւորէն սկսելով մինչեւ գեղեցիկ սեռը՝ Անգլիական և Ամերիկեան փափուկ տիկինները երբ Բարիզ այցելէն, իրենց ձեռքը առաջնորդագիրը մը բըռնած, նախ Հիւկոն և յետոյ նաբօլէոնի դամբարանը ու նօթը Տամի գահձերը տեսնել կերթային:

Վերթոր Հիւկոն միայն «Թէաթրը ֆըրանսէզ» կ'երթար, որուն գերասանուհին աշխարհահռչակ Սարա Պէրնարն էր, և որուն զգլիսիչ եւ մելանոյշ ձայնէն բանաստեղծը անմահութեան գաւառները կը վերանար:

«Թշուառները», միակ այս գործը հեղինակին նկարագրի գեղեցիկութիւնը և գժոյ զգացումները իր գագաթնակէտը կը հանէ, ոչ ոք կընայ այդ գործը կարդալ առանց շյուզուելու և չալեկոծուելու:

1884ին Բարիզի ամեն կողմերէն հազարաւոր այցելուներ կուգային տեսնել Հիւկոն և իրենց սիրոյ հաւասարին մատուցանել օրուան գիւցաղնին.

Մեծանուն բանաստեղծին 80 ամեակը

խիստ փառաւոր շքով կատարուեցաւ, ամբողջ
Բարիզը իր պատուհաններուն առջեւն էր, նախ
նուագածուներու խումբեր մելանոյշ կտորներ
զարնելով կը յառաջանային, յետոյ պաշտո-
նական անձեր ծաղիկներու բազմաթիւ փուն-
ջեր իրենց ձեռքերը։ Տօնախմբութեան օրը
Հիւկոն տեսնել չգացի, այլ հարիւր հազար Բա-
րիզիներուն հետ փողոցը սպասեցի։ Յաջորդ
օրը առանց պատեհութիւնը փախցընելու դա-
ցի սունը. նոր վեհութիւն մը հագած էր, բազ-
մաթիւ դափնիներու վրայ ծաղիկներէ զանա-
զան նշանաբաններ գրուած էին, հիւրասենեա-
կին մէջ ծաղկեփունջերու ահագին ըլուր մը
բարձրացած էր, միայն այդ օրը Բարիզ լոյ-
սէ քաղաք մը դարձած էր ի պատիւ մեծ
դիւցազնին, որ Թրանսայի փառքը աւելցու-
ցած էր……

Վիքթոր Հիւկո՞ խաղաղ, ժպտուն և վե-
հափառ պատկեր հագած էր։

(Բարիզիք իրենց վերջին դնահատումը
ցոյց տուին մեծ մարդուն՝ Հիւկոյի, անոր
մահուան օրը ազգային սուգի մը վերածելով։)



ՏԱՆԴԷ

Բանաստեղծներու և գեղարուեստներու
բակավայր մ'է Խտալիսյ Ֆլորանս քաղաքը։
Խտալական մեծ հանճարներ այդ քաղաքէն
ելան։ Ինչպէս իր անունէն յայտնի է, ծա-
ղիկներու քաղաք մ'է այդ՝ ուր բանաստեղ-
ծը բնութեան իմաստսիրութիւնը կ'ուսում-
նասիրէ, նկարիչը բնութեան էն հոգեյոյզ
տեսաբանը կ'ուրուագծէ։ Դարձեալ գետակ-
ներու քաղաք մ'է այդ՝ ուրկէ ծնաւ Լէոնար-
տո տա Վինչի՝ որ իր հրաշալի հանճարովստեղ-
ծեց ջրաբախտական էն սրանչելի մեքենաները՝
տգիտութեան տարտամ գարերուն մէջ։ Եւ
ահա տասներեքերորդ (1265) դարուն բա-
նաստեղծ մ'ալ — Տանթէ — կը ծնի՝ որ աշ-
խարհս հիացնելու և անգրգերեզմանական աշ-
խարհի մը վեհ բնագաւառները խուզարկող
և անոր հեղինակին ամենակարողութիւնը մար-
մնացնող գերազանց կարողութիւնը կը կրէ։
Տանթէ՝ Ալծերիացի ազնուական ընտա-

նկրէ մը սերեցաւ և դպրուն ամենէն նշանաւոր գիտուն՝ Պրիւնիթթա Լաթինի հսկողութեան տակ հիմնական դաստիարակութիւն մը առնելով, ինքզինք գիտական և գրական ուսումնասիրութիւններու տուաւ և դարմանալի յաջողութիւն ձեռք ձգեց :

Տանթէ տղայութեան ժամանակ սաստիկ սիրահարեցաւ ֆառքօ Փռութիների աղջկան՝ Պէաթրիսի հետ. իր «Վիթա Նուվա» գործին մէջ կ'ըսէ, «Երբ զինք առաջին անգամ տեսայ հազիւ 9-10 տարեկան կար : Աւելի յառաջ երթալով կը յաւելու . «Ճշմարիտը կը խօսի՞մ, այդ տեսած լոտէիս կեանքիս հոգին՝ որ սրափս ամենէն նուիրական և սրբազն սենեակին մէջ կը բնակի, ոկատ նեղել զիս այնքան սաստիկ որ, ինքզինքս ասարօրինակ վիճակի մէջ գտայ . . . այդ պահէն հոգիիս սէրը ոկատ յառաջանալ . . . այս աղջիկը այնքան ազնիւ յատկութեանց տէր էր որ, բանաստեղծ Հոմերի խօսքերը, — կը թուի թէ՝ անիկայ մահկանացուի մը աղջիկը չէ այլ չ'ասառեծոյ — ասոր կը վայելէր . . . :

Սակայն մինչ Տանթէ այնքան սիրահարուած էր անոր, աղջիկը ամսւմնացաւ Սիման տը Պարտիի հետ, բայց քասմնէչորս տարեկան

ծաղիկ հասակին մէջ մեռաւ մեծ վիշտ և մեւլամաղձոտութիւն առթելով Տանթէի : Բարեկամները տեսնելով որ Տանթէ խոր վիշտերու մէջ ընկղմած էր Պէաթրիսի մահուամբ, խիստ մեծ ջանքերով ամուսնացուցին զինք Տօնաթէի աղջկան՝ Կամմայի հետ, որմէ հինգ տղաքներ և աղջիկ մ'ունեցաւ :

Պէաթրիս գրեթէ բանաստեղծին մոռքին ընդարձակութեան գլխաւոր պատճառը եղաւ, անոր մաքուր գաղափարական մը ներշնչեց, անոր առաջնորդ հրեշտակը եղաւ, իրմով անոր նկարագիրը երկնային խմաստութեան վրայ հիմնուեցաւ, ինքն էր որ անոր փոխանցեց զանազան խորհուրդներ : Տանթէ իր «Սրբութեան գեղեցկութիւնը» գործին մէջ զՊէաթրիս սուրբերու կարգը կը դառէ :

Տանթէի մոռքին առաջնորդ գաղափարն էր — Աստուած, Անոր վրայ հիմնած էր իր ուկը և փառքը միանդ ամայն :

Իր զննութիւնները կը ներկայեն տիեզերքը իրրեւ Աստուծոյ ճարտարապետութիւնը, Անոր փառքին արտայայտումը : Ի՞նչ գեղեցիկ կը բացատրէ «Աստուած անսահման յարակցութիւն մը ունի իր գործերուն հետ, տիեզերքը հայելի մ'է՝ որուն մէջ անդրա-

դարձած են մեծ Արարչին կարողութիւնը ,
իմաստութիւնը և սէրը :

Տանթէ Աստուծոյ երրորդութեան մէջ
կը զանէ այն հրամանին աղքիւրը՝ որով կը
կառավարուին տիեզերքի բոլոր բաները , և
այսպէս երկնային թագաւորութիւնը կը նկաւ
տէ երկրաւոր թագաւորութեանց առաջնորդը :


Տանթէ խորապէս վշտացած էր իր ազգին
ինչպէս նաև բոլոր մարդկային ազգին , ըն-
սանեկան կեանին խորը թափանցած լինե-
լով , աեսած էր անոնց վէրքերը , և իրր բա-
րոյագէտ վիրաբոյժ մը՝ անդադար դարման
կը պատրաստէր այդ վէրքերոն :

Տանթէ եօթանասուն տարեկան հասա-
կին մէջ մեռաւ աքսորի մէջ , սակայն աշխարհի
նուիրեց շատ սիրելի բանաստեղծական գոր-
ծեր , որոնք մեծ մասամբ ոտանաւոր են՝ թէ և
արձակներ ալ ունի :

Իր նշանաւոր գործերն են , « Տը Մոնար-
քիա » , « Խնդիրնո » , « Փրկէտէրի » , « Տօվինա
Գօմէտիա » և « Բարատին » : Այս բոլոր գեղե-
ցիկ գործերն ալ իրարմէ գերազանց են ,
գժուար է ասոնց մէջ զանազանութիւն մը
դնել , միայն բացառութիւն ըլլալով « Տիվինա
Գօմէտիա »ն իր գլուխ գործոցը կը համարուի ,

զի անոր մէջ Տանթէի սիրաը ներկայացուած
է իրը բնութեան և Աստուծոյ սիրահարը :

Տանթէի պատմութիւնը մաքի պատմու-
թիւն է , իր բոլոր գործերը կարծեն ուսում-
նասիրութեան առարկայ ընել : Իրը բանաս-
աեղծ և իմաստասէր՝ Տանթէ խիստ հազուա-
գիւաներէն է :



ՊԱՅՐԸՆ

Ծովերու սիրահար այս ազնիւ բանաս-
աեղծը բնականէն անսահման տաղանդի տէր
էր , և այդ տաղանդը զարգացնելու համար
էր նախնական տարիները Սկովտիա անցուց՝
ուր զինքը պաշարող լեռնային տեսարանները
մաքին կարողութիւնները զօրացուցին և այդ
է բուն պատճառը , որ իր նկարագրութիւն-
ներուն մէջ բնութեան պատկերները վսեմ
կերպով կը փայլին :

Լորտ Պայրըն մանուկ հասակէն բնու-
թիւնը վայելելու անզուսպ տենչ մ'ունէր , օրն
ի բուն անոր հիսարասուռ տեսարաններուն

մէջ կը շրջադայէր, կը դիտէր ծովեղերքին վրայ կմախքաձեւ գուրս ցցուած յաւիտենաւ կան ժայռերը՝ որաց հսկայ և մերկ կուրծքերուն առջեւը՝ ծովուն խօլական ալիքները ոռնալով. փրփրափշուր՝ ըլլալ կուդային, յայնժամ սարսուռ մը Պայրընի էութիւնը կ'ալեկոծէր . . . և աղ աւելի կ'ազդուէր՝ երբ անհուն ծովուն վրայ ամպեղէն անհուն մ'ես տեսներ, այդ ժամանակ անոր հոգին կը վերանար երեւակայութեան անծանօթ, անծան նօթ գաւառները և առաւատէն մինչեւ իրիւ կուն ժայռի մը վրայ ընկողմանած կը նայէր ծովուն մոնչող ալիքներուն, — իր սիրան աղ անոնց չափ յուզուած — . կը մոռնար իր էութիւնը և այդ երազանքներու անուշ տարչ փանքին մէջ կը սուզուէր մինչեւ գիշերը՝ երբ սիրոյ կանթեղը արծաթ արցունքներ պոռթշացնելով համատարած սպիտակութիւն մը բնութեան վրայ կը սփուէր . . . :

Հարրըսի նշանաւոր գպրոցին և Փէյմպրինի համալսարանին մէջ հիմնական դաստիարակութիւն մ'առաւ : Գրեթէ ամբողջ ակադեմականները անոր հանճարին վրայ զարմացած էին :

Պայրըն 1794 մայիս 19 ին ծնաւ և Լոր-

առութիւնը իր մեծ հօրմէն — Լորու Հոլտինէն սէն — ժառանգեց : Տամն և վեց տարեկան հասակին մէջ, բազմաթիւ բանաստեղծութիւններ գրեց՝ որոցմէ մին էր «Լոթինա Կարը» — , լեռ մը՝ որ իրական պատկերացումներով կը նկարագրէ : Հազար ութը հարիւր իննին պառոյտ մը կատարեց Եւրոպա՝ Սպանիայէն, Բորժուկալէն անցնելով Մալթա և Սիկիլիա գնաց :

1815 ին՝ Տիւրհամի մէջ, Սըր Ռալֆ Նօէլ Միլպենք Պարսնին մէկ հատիկ աղջկան հետ ամուսնացաւ և անկէ աղջիկ մ'ունեցաւ՝ զոր խիստ կը սիրէր : Դժբաղդաբար այս ժամանակ Անգլիան թողուց՝ հոն չվերագառնալու պայմանով : Այս ատեն՝ Ֆրանսայէն, Պրուսիէն, Վախէրլոէն անցնելով, Զուկցերիտ այցելեց, յետոյ հիւսիսային իտալիա և Վենետիկ՝ և այս վերջինին մէջ կատարելագործեց իր «Զայլս Հարօլտ» գործը : Իտալիա կեցած ժամանակ «Տօն Ժուան», «Պերլո», «Մաղէրբա» գործերը հրատարակեց :

Լորու Պայրըն՝ 1824 ապրիլ 12 ին, 37 տարեկան երիտասարդ հասակին մէջ մեռաւ, մինչեւ մահուան վերջին վայրկեանը իր անձին կատարեալ դիտակցութիւնը պահեց, և երբ

վերջին շունչը կը փչէր, ըստւ. — Կ'ուզեմ որ
գիտնաք թէ վերջին խորհուրդներս տիկնոջս,
զաւկիս և քրոջս տրուած են — , Յետոյ մար-
մինը Անդլիա փոխադրեցին իր մօրը գիւղին
եկեղեցին մէջ թաղելու . . . :

Լորտ Պայրըն իր մահէն երկու տարիներ
առաջ իր յիշատակարանը գրեց և զայն Մու-
սիի և Մըրբիի ներկայեց՝ որսնք Պայրընի
մահուանէն վերջ զայն հրատարակեցին :

Ազնիւ բանաստեղծին մահը այնպիսի
դէպք մ'է որ, քիչ անդամ կ'ակնկալուի և
արդէն այս լուրը բոլոր Անդլիացիները յուղեց
և անոնց սրտերուն վրայ խոր տպաւորութիւն
գործեց :

Պայրընի գործերը բազմաթիւ են և մաս-
նաւորապէս նշանակելի, զի ուղղակի հոգիին
կը խօսին, անոր կը գրեն, Հոգիին վարդա-
պետութեան զօրաւոր պաշտպաններն են, այս
գործերը մեծ կարեւորութիւն ունին :



ԳՈՐԾԻ Ա. Յ. 1.

Ամեն ժամանակ և ամեն տեղ Պարլայլ
մեղ կը հիացնէ իր կամքին և նկարագրին
զօրութիւնսվը՝ Կատարելապէս առանձին գոր-
ծեց՝ բայց որոտաց : Իրեն ուսումնասիրու-
թեան գլխաւոր նիւթ ընտրած էր մարդը և
իր ճակատագիրը : Իր մէջ անձնական արժա-
նիքի այնպիսի զօրութիւն մը համբարած էր՝
որուն միջոցով երեք հրաշալի գործեր ար-
տագրեց :

Երդի ժամանակի ոչ մէկ իմաստասէր,
գրագէտ և կամ բանաստեղծ իր գործերուն
տուած է այսքան խորհուրդ և խուզարկող
տեսութիւններ՝ որքան Գարլայլ իր այս երեք
գործերուն :

Պարլայլ իւր Բաստէնտ Բրէզէնդ գոր-
ծով կը փայլի, որովհետեւ անով կը շահա-
գրդոէ ընթերցողը ի մասին հետազօտելու
մարդը և իր ճակատագիրը Այս գործին մէջ
մարդկային գժբաղդ ճակատագրին դէմ կը
կուուի և կը բացագանցէ . — Աստուած մոռ-
ցած է գժբաղդները որ մենք ենք — : Այս

գործը գարերու գործ մ'է և գարեր պէտք են, որպէսզի հասկնանք անոր մեծ կազմութիւնը, խորհուրդները և պարզած ճշշմարտութիւնները :

Գարլայլ հոգիի մը կը նմանէր, Աստուծոյ մը պէս ապրեցաւ, ափեզերբի հետ իր թէ բնապէս և թէ բարոյապէս ունեցած յարաբերութիւնը տեսաւ, հասկցաւ թէ օր մը մարդկային էակը գերմարդկային պիտի ըլլար, կեանքը տեսաւ այնպէս՝ ինչպէս մէկը բոցարծարծ կրակը ահեղ մթութեան մէջ կը տեսնէ :

Եռեսունեւութ տարեկան էր, երբ Տէյլի էնտ Աւուրի գործը գրեց՝ որուն մէջ կըսէ. — Բնական աշխարհը մոդական աշխարհէ մը աւելի կ'ազգէ ինձ, ամեն օր կը տեսնեմ թէ՝ վերացականին մէջ ճշմարիտ բանաստեղծութիւն մը չկայ՝ բայց միայն իրականութեան մէջ. իմ բոլոր խորհուրդներս կեդրոնացուցած եմ սա գաղափարին վրայ թէ՝ բնականը գերբնականի մը պիտի բարձրանայ: Իր եղանակը գարձեալ գրած մէկ նամակին մէջ կ'ըսէ. — Ամբողջ ստեղծագործութիւնը առաւել և առաւել վարդապետական կը թուի ինձ և բնականը՝ առաւել գերբնական:

Գարլայլ բոլորովին անկախ գործեց, որովհետեւ ուրիշ մէկ գործին մէջ կ'ըսէ. — Ես չեմ վնասուեր երկինքը՝ ոչ ալ կը վախնամ գժողքէն . . . միայն ճշմարտութիւնը կը վնասուեմ, ան ուր որ կ'ուղէ թող զիս հոն առաջնորդէ . . . ճշմարտութիւն . . . ի՞նչ է ճշմարտութիւն . . . Գարլայլ կը պատասխանէ. — Եթէ կը հաւատաս բոլոր հոգիովդ և բոլոր կարողավութիւնովդ . . . :

Գարլայլի ուրիշ մէկ գործը. — Լէյտը տէյ Ֆամբլիտը — կարդալով կը հիանանք և կը սարսաւինք անոր սիրանոյշ բացատրութիւններէն՝ նամանաւանդ զօրաւոր խորհուրդներէն՝ որոնք մարդս պահ մը կը յափշտակեն և բոլորովին կը թաղեն իմաստասիրական ճոխ և խորախորհուրդ բացատրութիւններու մէջ:

Գարլայլի բոլոր գործերը և նամակները զօրաւոր են, որովհետեւ ուղղակի հոգին կը շփեն և մարդուն ապրելուն նպատակը կը ցուցնեն, կ'արժեն իր բոլոր գործերը ուսումնասիրել, որովհետեւ Գարլայլ գժբաղդ մարդկութեան իմաստասէրն էր:

Գարլայլ թէեւ մեղ ծանօթ չէ այնքան, սակայն ելուապա ակնածանքով կը յեղեղէ այս անունը:

Լ. 0 Ն Կ Ֆ Է Լ. Լ. 0

ՀԵՆՐԻ ԼՕՆԿՓԵԼՈ ՄԻԱՍԵԱԼ ՆԱՀԱՆԳՆԵՐԸՆ ՓՈՐԴՐԻԵՆՏ ՔԱՂԱՔԻՆ մէջ՝ 1807, փետր. 27ին ծնաւ։

Պատաճի հասակին (14) մէջ Պըրլնսուիշի Պոտուին գոլեճը մանելով միքանի տարիներ վերջ նոյն հաստատութեան առաջնակարգ ընթարցաւարտը եղաւ։

Թէեւ յառաջազդոյն իր հօրը պաշտօնին յաջորդելու որոշում տուած էր՝ սակայն դըպրոցական կեանքին մէջ Միացեալ նահանգներուն գրական թերթին բանաստեղծութիւններ կը գրէր որոնք անմենէն կը գնահատուէին։ Այս բանաստեղծութիւնները 1839 ին գրքի մը ձեւով հրատարակուեցան գիշերուան ձայները վերնագրին տակ։ Լօնկփելո իր գրական տաղանդը խիստ զօրաւոր գտնելով գարձեալ նոյն գոլեճը մտաւ և արդի լեզուներու Բրօֆեսէօններուն հսկողութեան տակ գրականաթիւնը ուսումնասիրեց և իր զըննութիւնները ընդարձակելու համար գրեթէ ամբողջ եւլուպա, — Ֆրանսա, Իտալիա, Սպա-

նիա, Գերմանիա, Հոլանդա և Անդղիա, — Եղեք տարիներ պատեցաւ։

Լօնկփելո 1829ին Ա.Արիկա վերադառնալով գրականութեան բրօֆէսէօր կարգուեցաւ և սկսաւ նորքի Ամերիզէն Ռիվիչի (Հանդիս Հիւսիսային Ամերիկայի) մէջ կենսադրական և գրական բազում յօդուածներ հրատարակել։ Իր առաջին գործը Սպաններէնէ թարգմանութիւն մ'էր։ 1833ին ընթացաւարտ եղած գոլեճին մէջ արդի լեզուներու բրօֆէսէօր կարգուեցաւ։

Իր այս նոր պաշտօնին բերմամբ Լօնկփելո վերատին ստիպուեցաւ տարիի մը չափ Տանիմարդայի, Շուէտի, Հոլանդայի, Հիւսիսային Գերմանիոյ, Անդղիոյ և Իտալիոյ մէջ ժամանակ անցնել։ 1854ին երբ Ա.Արիկա վերադարձաւ, Պառթանի մօտ բնակելով բազմաթիւ բարեկամներէ և գրական սէրգըլէ մը շնչապատուեցաւ։

Լօնկփելո երկու անգամներ ամուսնացաւ, որովհետեւ ուսացին կինը, երբ օր մը կը կուէր, հանգերձները բոնկելով, չարաչար կերպով այլեցաւ 1864ին։

Լօնկփելոի արձակ գրածներն են Առնեհմբրը, որ 1857ին հրատարակուեցաւ, Գա-

վանայի Պատմութիւնը, որ 1849ին թարգմանեց, և իր վերջին գործը, Նոր Անդղիոյ Գրականութիւնը, որ 1867ին պատրաստեց :

Լօնկֆէլլօի գրած գործերը քննելով, անոնց մէջ տրամաբանական արտակարգ կարողութիւն կը տեսնենք: 1825ին խիստ կարևոր գործ մը, Բանաստեղծներ և Եւրոպայի Բանաստեղծութիւնը, Ընդարձակ ծանօթութիւններով և կենսագրականներով հրատարակեց: 1846ին հրատարակեց զանազան աղբիւրներէ առնուած բանաստեղծական հաւաքածոյ մը, Թիհի Վէյժ, որուն ճշդրիտ իշմաստը նշանակող բառը չունինք, և որուն իմաստին նայելով այն կը նշանակէ «Բնտիրները Գտնուած»: 1847ին ալ Թիհի Իստրէյը հրատարակեց: Ասոնցմէ զատ ունի բազմաթիւ թարգմանութիւներ:

Անգլիախօս Ժողովուրդներու մէջ Լօնկֆէլլօի գործերը խիստ գնահատուած են: Այնչափ մեծ ժողովրդականութիւն շահած է որ կրնանք զինք Ամերիկայի Թէննիսլնը կոչել:

Լօնկֆէլլօի բանաստեղծական գործերը երեք դասակարգերու կը բաժնուին: Առաջնին մէջ կը գտնենք մոքին վառվումը,

խորհրդի պատկերացում և աւելն: Այս դասակարգին պարծանքն է Եխնէլսիէօռը (Աւելի Յառաջ): Երկրորդը գրականութեան մնունդ կը պարունակէ, այսինքն՝ Ժողովրդական նիւթերու վրայ գրուած: Երրորդը կը պարունակէ մէկ քանի խորհրդածութիւններ, որոնց մէջ նշանաւոր են «Էվանկէլին» և «Հէյլատան»: Լօնկֆէլլօ կրակէ բանաստեղծ մ'էլ: Իր գործերը կը վառեն, կը հրդեհեն ընթերցողին միտքը, հոգին և միրաը: Նամանաւանդ իր երգերը, որոնք առ հասարակ կերանքի սաղմոսին վրայ շինուած են, կը յուզեն և կը համակեն ընթերցողը և պահ մը կը տանին այն կերանքին մէջ, որ գերեզմանին ետև կը բացուի և զոր այնքան տիպանոյշ կերպով երգեց բանաստեղծը:

Լօնկֆէլլօի գործերուն վրայ վայրկենի մը մտածումը մեզ սա գաղափարին պիտի առաջնորդէ թէ Ամերիկեան բանաստեղծներուն գերազանցն էր անիկա: Հէյլատան Ամերիկեան բնիկ ցեղերուն բանաստեղծութիւններուն մարմնացումն է:

Արևմուտքի «Կամքը», «Մրցումը» և «Նկարագիրը» Լօնկֆէլլօն նշանաւոր հանդիսացուցին:

ՃՈՐՆԱԼՆ

Ճորնալն « Ռամիկներու Բանաստեղծ » տիտղոսին արժանացող առաջին անգան է Նորշվեկայի մէջ :

Իր անսահման տաղանդին առաքինութիւն միացուցած էր : Երբ բերանը բանար, կարծես թէ ժողովուրդն էր որ կը խօսէր : Երբ երգ մը զրեր, երկու ամիսներ չանցած բոլոր ժողովուրդին բերանը կ'ըլլար : Բոլոր յօրինած սրտագրաւ երգերուն նիւթերը ամբողջ Նորմէկիայի գաշտերը, առուները, ևն, ևն : Իր պատմութիւնները, ողբերգութիւնները, ամէնքն ալ, ժողովրդական են, այսպէս որ եթէ զանոնք կարգանք, այսօր ամբողջ Նորշվեկայի անցեալ և ներկայ պատմութեան, բարքերուն և կեանքելուն կը տեղեկանանք :

Ճորնալն Հիւսիսային Նորմէկիայի գաւառներէն մէկուն մէջ 1832ին ծնաւ : Այդ լեռնային զաւառին վայրենի գեղեցկութիւնը՝ Ճորնալնի բանաստեղծութեան նախնական դասը աւանդեց, որ այդ դասով փորձառու

բանաստեղծի մը մտածիպարը իւրացուց : Տամներկու տարեկան հասակին մէջ պետական դպրոց մը մտաւ : Իր գաստիարակը բնութիւնն էր : Երբ վագանձայի առթիւ տուն կը վերադառնար, բոլոր ժամանակը թափառելով և բնութիւնը ուսումնասիրելով կ'անցնէր :

Մէկ քանի տարիներու ուսանողութեամբ վերջապէս յաջողեցաւ համալսարան մը մտնել : Հիմա գեղեցիկ երիտասարդ մ'էր : Իր զոյդը կապոյտ և վառվուն աչքերը նորմէկիացիի մը լրջութիւնը կը ցուցնէին : Սակայն, գժրադդաբար, համալսարանական կեանքը եր սրտայոյզ կողմերը ունի :

Իր լոյս ընծայած առաջին գործն « Ալեգանաւէտ Բլուր»ն է, որուն մէջ զլիստ որապէս նորմէկիայի լեռնադաշտաներուն և նոճիներուն վրայ կը խօսի : Այս գործը խիստ մեծ ընդունելութիւն գտած է, որովհետեւ պարունակած խորհուրդները ամբողջ ժողովրդին հասկնալի են :

Այս գործը բոլոր եւրոպական լեզուներուն թարգմանուած է : Քանի մը տարիներ առաջ ալ « Մէր և կեանք նորմէկիայի Մէջ » խորագրով Անգլիերէնի թարգմանուեցաւ : 1858ին երկորդ գործը, « Առմ », երկան եկաւ,

որ, գլխաւորապէս, Նորվէկիայի նկարագրին վրայ կը խօսի: Նոյն թուականին երկու ողբերգութիւններ ալ, «Ճակատամարտներու մէջ» և «Հիւլդայի Ոստումը», գրեց: Երկուքն ալ ժողովրդական առակներու վրայ յօրինուած են:

Ճորնալնի երկրորդ ողբերգութիւնը, «Հիւլդայի Ոստումը», սիրատարփիկ, անսպառհոգ մ'է: Էյրլֆ Ֆինալն Հատլիք Ալաքսարնի կինը, Հիւլդան, կը սիրէր: Տիկին Հիւլդա Էյրլֆ Ֆինալնի նկատմամբ ունեցած անուշ սէրը մարմնացնել կ'ուզէր . . .: Իրարու համար վառուած էին: Տիկինը լքեց ամուսինը . . . գիմեց սիրահարին, իրար սիրեցին և . . . Այս է գործին գլխաւոր առարկան . . .:

Ճորնալն քանի մը անդամ պետական վարժարաններու տնօրին կարգուեցաւ. առաջին անդամ Պէրկնի և յետոյ Քրիստիանիայի մէջ: Տարակոյս չկայ թէ իր այս գիւղին մէջ հասարակութեան սրտին մէջ շարժում մը, եռանդ մը, սէր մը արուեստներու մասին յառաջ բերաւ:

Եթէ ետ նայինք վերջին քսան տարիներուն այն յիշաստակելի գործերուն երկար շարքերուն վրայ, որոնք ճորնալնի անմահ գրչին

արդիւնքն են, չենք կընար անտեսիլ անոր հանձարին զարմանալի փարձառութիւնը: Իր ստեղծիչ ներգործութեամբ գրականութեան ամէն ճիւղերուն մէջ առաջնութիւն ստացաւ: Ժողովարդ. մը բարձրացնելու համար ժողովրդական բանաստեղծներ արտադրել պէտք է:

Ա. Ֆ Ո Ն Ս Տ Ո Տ Է

Ալֆոնս Տոուէ⁽¹⁾, բառին բուն նշանակութեամբ, իր գործին տէրը և անվիճելի վիպասան մ'է: Իր գրական արտադրութիւնները երբ կը կարդանք, կարծես թէ մեր ձեռքն է պատկերը, որուն մէջ կը տեսնենք բոլոր պատմուածները: Մենք մեծահամբաւ արքիստի մը վրայ կը սքանչանանք, բայց այդըսել չէ թէ ստորնագոյնները կ'արհամարհենք: Ոչ, այլ նուազ կը գորդուանք իր վրայ քան գերազանցեն: Ես միշտ մասնաւոր խանդաշատանք մ'ունեցած եմ Ալֆոնս Տոուէի վրայ:

(1) Ամերիկացի գրագէտի մը քննադատութիւնը:

Այո, «Աէթրը Տը Մոն Մուշէն»ը մեծ ուշադշութեամբ կարգացի, և այնքան ազդուեցայ որ Ալֆոնս Տոտէն պաշտեցի և գիտցայ թէ անիկա ինչ ապագայ պիտի ունենար :

Տոտէ առաջին անգամ պատմութիւն մը, «Մրունն մէ Ժէօր է Ռիալէր Էնէ», հրատարակեց : Այս գործը, որ թէւ Ֆրանսական Աւկադեմիայէն պսակուած էր, զիս այնքան չշահագրգռեց : Սակայն Երբ Երկրորդ անգամ զայն կարգացի, որքան հրճուեցայ, ինչքան հետաքրքրական բաներ կը պարունակէր : Պէտք է նաև ըսենք թէ Տոտէ մնամէջ ծառերու նման գործեր ալ ունի, ինչպէս «Մրունն մէ Ժէօն»ը⁽¹⁾, որ աւելորդապաշտական անհիմն գաղափարներով լեցուն է : Առնենք միւս մէկ մութ գործը, «Անտրէ Մառա»ն, որ տիկինի մը առանց պուակի տասը տարի Խոլանտացի բժշկի մը հետ կենակցիլը կը պատմէ : Այս ալ վերը յիշածէս բնաւ չտարբերիու Սակայն հիմնովի շատ գործեր ալ ունի Տոտէ : «Աէ Ռուային մէջ Բարիզեան կենցաղավարութեան իրական պատկերը կը տես-

(1) Այս գործը մէկ քանի բաժանումներ ունի . ումանք ոքանչելի են, իսկ ումանք՝ հակառակ :

նենք : Առնենք միւս վսեմ գործը, «Նումա Ռումէսայան»ը, որուն գեղեցկութիւնը միշտ պատկերին և արամաբանութեան մէկտեղ ձուլուելուն մէջ կը կայանայ :

Էմիլ Զոլա, խիստ բարեկամական ողիով Տոտէի գործերէն ումանք քննագատելով, կ'ըսէ. «Այդ գործերուն մէջ երեցած անպատշաճ առասպելները կը վիրաւորեն և կը նուեմայնեն Տոտէի հիմնայի պատկերները, խորհուրդները և ոճերը : Օրինակ մը կը հաստատէ զայդ : Հարաւային Ֆրանսայի մէջ գեղջուկ բաւական գեղեցիկ երիտասարդ մը կար : Բարիզեան օրիսրդ մը, նշանաւոր Ֆրանսացիի մը աղջիկը, գեռ երիտասարդուհի, սիրուն, երեւակայտական, վիպական, մոտայի, կարճ խօսքով, դիցուհի մը, Հռովմի մէջ այդ գեղջուկ երիտասարդին խազալը աեմնելով, անոր անսահման սիրով կը կապուի : Երբ այդ երիտասարդը բազդ վինտուելու համար Բարիզեան գու գոյ, երիտասարդ աղջիկը, վառուած աշանոր սիրով, անմիջապէս իր մէկ լուսանկարին վրայ կը գրէ երեք խօսքեր, որոնցին այդ գեղջուկ երիտասարդին կը յայտնէ թէ խիստ սիրահարուած է իրեն, և թէ կը պաշտէ զինք, և կը զրկէ անոր լուսանկարը :

Սակայն այս սիրազեղաւն լուսանկարն իր նաշամանձու քրտջը ձեռքը կ'իյնայ . . . : Օրիսորդը ասոր նման ուրիշ գժուարութիւններու ալ հանգիւթելով, գեղջուկ երիտասարդին, Վալժամուրի, անսպառելի սիրով կը հալի և կը մաշի, մինչև որ իր փափուկ հսդին, որ կեանքի էն սքանչելի ծաղիկին, մարմինին, մէջ կը գտնուի, նուազեցաւ . . . մեռաւ . . . :

Այս գործը ցարդ Տոտէի գրչէն ելած ամենէն սիրուն, զարմանալի և հիանալի պատկերները կը գրէ, և մեծ ազգեցութիւն ըրած է Զոլայի վրայ, որ իր գաղափարը կը յայտնէ ըսելով. «Ամբողջ գործը զօրաւոր է, ստեղծուած գաղափարները յանդուգն են, մասնաւորապէս կիները կը հաճեցնեն, պատմութիւնը յուզիւ է, մարդը կը լացնէ. փափուկ, մտացի, գեղեցիկ ազջիկ մը սիրայ անսպառ կրակին չգիմանալով զոհուի . . . :

Էմիլ Զոլա, այս գործին մէջ Տոտէի արժանիքը ի վեր հանելէ վերջ, հետևեալ կէտերը կը քննադատէ. «Արտակարգ գեղեցկութեան, մեծութեան և ուրիշ առաւելութիւններու տէր եղող Բարիզեան օրիսորդ մը գեղջուկ երիտասարդ մը սիրէ և մինչև իսկ անոր սիրոյն զոհ երթայ . . . ի՞նչ անպատշաճութիւն :

Արքոնս Տոտէ պաշտելի վիպասան մ'է : Բայց պէտք չէ որ ամէն բան իր անձնականին սեպհականենք, որովհետև Թրանսայի գրականութիւնը և քննադատները իրեն խնդրի մը խորը թափանցելու յատկութիւնը տուին : Տոտէի գրիչը կուակ մ'է, որուն բերնէն հանոյի և ցաւ կայծակի արագութեամբ կը թուին և հսկայ հատողներ կը լեցնեն, կը յուզեն ընթերցողը . . . այդ գրիչը պատկերներ տեսնելու և շինելու գործիք մ'է :

Արքոնս Տոտէ նուվելիսը մ'է : Գրեթէ երբէք հին բաներ չգրեց : Միշտ արդի գրականութիւնը, արդի քաղաքականութիւնը, մէկ խօսքով, արդի կեանքը գրեց և կը գրէ : Իր գործերը մասսամբ ֆիզիքականի և մասամբ բարոյական կեանքի պատկերացումներ են՝ կապակցուած իրական փորձառութեան և զգացումներու . . . երևակայութիւնը յաճախ նիւթին հետ շփման մէջ է և նիւթը իր ամէն պարագաներով ըմբռնուած :

Տոտէ շատ բաներ կը բացատրէ, բայց աւելի ներկայ կեանքին վրայ իր կարծիքը կը յայտնէ ու նաև հազարաւոր պատճառներու վրայ կը յայտնէ իր զգացումները, զորոնք «Լէրրը Տը Մուլին»ի, «Գոնթ Տը

Լէսնիսի և «Հա Բըրիք Շոգի մէջ կրնանք գանել» Բարիզ քաղաքը իր արքիստական երկոյթով Տոտէի հարսառութեան աղբիւրն էր, և այժմ ինք Բարիզի ամբողջ ստացուածքն է։ Իր գործերուն մէջ ամբողջ Բարիզի կեանքին կը հանդիպինք։ «Լը Նապապ»ը և «Լէ Ռուան կենդանի տիպարներն են։

«Լէդրը ըս Մոն Մուշէն»ի գործը ինչ սքանչելի ամառ մը կը նկարագրէ։ «Վարդերը և դիւմերը օգը լեցուցած են իրենց անոյշ բոյրերով։ Ճերմակ ժայրերը հեռան, հորիզոնին մէջ մասամբ կորսուած են . . . փոքրիկ Ալպուհիները կը մագլցին լեռներու վրայ . . .» Ասոնք ամէնքն ալ իրական գոյներով պատկերացուած են։

Ալֆոնս Տոտէ իրուել վիպասան գալուստ փառքն է, մասնաւորապէս, Թրանսայի։ Ուրիշ վիպասաններու վրայ ունեցած առաւելութիւնը այս է որ իրեն իրուել մասնաճիւղ ներկայ կեանքը, իր ամէն հանդամանքներով, ընտրեց Տոտէ փայլուն, փափուկ, յանդուդն վիպասան մ'է, և իր ոգին կը թռչի կամաց, հոգատարարութեամբ, կէտէ կէտ, զանոնք լոյսի մէջ բերելու համար։

ՈՒԽԵԼԵԼՄ ՊԼԵՔ

(ՆԿԱՐԻՉ ԲԱՆԱՍՏԵՂԾ)

Իբրև քնարերգակ բանաստեղծ մը Պլեք⁽¹⁾ աւելի յարգանքի և ուշագրութեան արժանի է, որովհետեւ իր խորախորհուրդ գործերը մայդկութեան ամենէն մուժ խաւերը կը թափանցեն։ Անկարելի է յսաւակ ըմբռնումով մը մեր մոքին մէջ պարփակել Պլեքի հանճարին սահմանաւորութիւնը և գիտնալայն ուղղութիւնը, որմնցմով կը գործէր։

Ուիլելմ Պլեք 1757ին Լոնտոնի մէջ ծնաւ, և 1827ին գարձեալ Լոնտոնի մէջ մեռաւ, կեանքին 70 տարիները ծննդավայրին մէջ անցունելով։ Ինք աղքատ էր, բայց մաքով՝ գերազանց հարուստ։ Մատաւորական արտեսաներու մասին ունեցած ընդունակութիւնը՝ իրեն վննելու իմաստութիւն, բանաստեղծական փորձառութիւն և մարդկային կեանքին նկատմամբ խորաթափանց աեւութիւն տուաւ։ Ուիլելմ

⁽¹⁾ Ֆրանսացի գրագէտի մը հիացումը Պլեքի գրայ։

Պէք պատկեր մը նկարելով չէր բաւականաւնար, այլ անոր վրայ երկար ուսումնասիրութիւն մը կը հրատարակէր :

Այսպէս է նկարներէն մին, Գերեզմանը, զոր իր «Մատաղներուն Գիշերուան Խորհուրդները» գործին մէջ երկարօրէն կը նկարագրէ : Հրեշտակ մը մեռելի մը հողակոյտին վրայ տիրամոյշ փողը կը հնչեցնէ : Մեռելին ոսկորները կէս մը հողակոյտէն բարձրացած կ'ունկնդրեն այդ նուագին . . . : Այս նկարին վրայ ըրած ուսումնասիրութեան մէջ իր նպատակը քաղցր, պարզ, այլ վեհ խորհուրդներով պարզած է : Ունի ուրիշ գործմալ, Եղիտասարդներուն Մահուան Քունը, որ հիացումի անհուն գանձ մ'է :

Պէքի յատկութիւններուն գերազանց լուսաբանութիւնը իր տեսարաններ գծագրելու և նկարագրելու արտակարգ կարողութեան մէջ կը գտնենք : Ինչպէս «Արիմաթացի Յովսէվը Ալպիոնի ժայռերուն Վրայ», զոր թէե Միքայէլ Անծէլոյի հետեղութեամբ նկարած է, սակայն անոր խիստ բնականութիւնը, մասնաւորապէս ստուերին ջուրին մէջ իյնալը, պատկերին տիրապի և մելանոյշ գեղեցկութիւն մը կու տայ :

Պէքի նամակները, խորհրդածութիւնները, գրութիւնները և կեանքին ամբողջ արարքները հոգեկանութեան մը գոյութիւնը կ'ապացուցանեն : Միայն հոգեկան մարդիկ հոգեկան բանները ճշգրիտ նկարագրել կարող են : Պէքի երիտասարդութեան ժամանակ ունեցած երեակայական կեանքը, զօրութիւնը և խզի լուսով ու կեանքով համակառիլը գիտնալու համար բաւական է կարգալ անոր հիասարսուն նկարագրութիւնները, «Գառնուկը», «Կորսուած Փոքրիկ Աղջիկը», «Գանուած Փոքրիկ Ծղան», «Ծրտում Ծղան», «Չուարթ Ծղան», որոնց մէջ բանաստեղծութիւններու փորձառութիւնը կատարելապէս կը փայլի : Ուրիշ զմայլելի նկար մ'ունի, «Ենովք» : Համակ բոցերէ պաշարուած, նստած է հրեղէն կառքի մը մէջ, որուն մարմինին մէկ մասը բոցերէն դուրս կը գտնուի : Իր հանդարտ, խաղաղ և անվրդով դէմքը, կրակ ու բոցին մէջ, վեհափառութիւն մը հագած է : Զեռքերէն երկու կրակէ գիծեր մինչև հրեղէն ձիերը կ'երկնան : Բերկրախառն արտանութեամբ կայնած է Եղիա, որուն ուսերուն վրայ մազերը կրակէ շերտերու նման կը ցանցնուին : Իսկ կառքը իր հրեղէն մեծ

անիւները երկնքի շքեղ, շառագունած և գեղին ամպերուն մէջէն կը թաւալէ:

Ճշմարտիւ եթէ Ուկերմ Պէք երրե կատարեալ արրիսր մը պիտի ընդունինք, պէտք է նաև զինք ճշմարիտ մարդարէ մը նկատենք. որովհետեւ անոր գործերը մարդարէական պայծառութիւն կը պարունակեն, մասնաւորապէս «Դրախտի Դոները», «Ալպիոնի Աղիկներուն Երեւակայութիւնը», «Ամերիկայի Ապագան», «Մահուան Դուռը», «Ուրախութեան Օրը», «Լուիզի Երգը» և «Միլտոն»:

Յորին համբեկութեան վրայ գրած գործը ամենէն նշանաւորն է, զի հոն արամարանական բացատրութիւններ կը գանենք: Այս դրանքին մէջ իմաստասիրական խուզարկութիւն մը կը տեսնենք կեանքի և մահի, բարիի և չորի նկատմամբ: Այս պատմութեան նկարը հետեւալ կերպով գծած է. «Առաւած, բազմաթիւ հրեշտակներէ պաշարուած, բոցերու մէջ նստած է, երկնային լոյս մը ամէն տեղ ողոզած է, իր երկու հզօր բազաւկները երկնցուցած է»: Աջին տակ գեղեցիկ հրեշտակ մը քանի մը նժոյգներու բաշերէն բոնած կը կենայ: Իսկ միւսին տակ ժամու Սատանան դժոխային տարտամ կմախքով և երկու յրաւասարսուու

օձերով ահաբեկ նստած է, մինչ Յոր և իր կինը, աննկարագրելի յափշտակութեան մէջ սուզուած, Աստուծոյ կը նային . . . : Յորին երեք բարեկամներն ալ, մահու գողով համակուած և այլայլած, կ'ուղեն փախչիլ:

Ուկերմ Պէք բարոյագէտ նկարիչ, բանաստեղծ և իմաստասէր մ'է: Իր գրածները ուսումնասիրելու համար, փափուկ, խորին իմացականութեան և տրամաբանական կարողութեան կը կարօտինք:



Հ Ե Լ Լ Ե Ն Զ Ի Գ Ա

Այս խիստ նշանաւոր տիկինը բոլոր եւրոպայի ծանօթ է: Իր գերահրաշ հանճարին չնորհիւ երեւան բերաւ նշանաւոր հեղինակութիւններ, որոնք ամենէն գնահատուցան: Իր խորհուրդները խորունկ են և ազատ, զննութիւնները՝ անսահման, իբր հեղինակուհի՝ համայնագէտ, ճամբորդող, արրիսր. պատիւ արդի ժամանակի իգական սեռին:

Իր գործերը խորհուրդի, հանճարի և

կատարեալ ուսումնասիրութեան արդիւնք են :
Իր ճամբորդութիւնները տասնեհինգ գիր-
քեր կը լեցնեն : Ասոնցմէ զատ զանազան օ-
րաթերթերու տուած է երեք վէպեր և բազ-
մաթիւ նիւթերու վրայ գրուած յօդուածներ,
որոնք այլ և այլ գրական ընկերութիւններէ
վկայուած են : Տէպա օրագրի խմբագիրնե-
րէն մին, Մոռա Տէշանէլ, կըսէ . «Իր գործե-
րուն իւրաքանչիւրը մարդո կը հիայնէ . . .»
Ճամբորդական գիրքերէն մին, «Ամառ Մը
Դանուբի Եղերքներուն Վրայ», հեղինակու-
հին Ուռմանիայի մասին ոնեցած ճշգրիտ
տեսութիւնները կը մարմնացնէ : Իբր արթիաթ
մեծ համբաւ կը վայելէ : Իր նկարները ամէն
տեղ մեծ ընդունելութիւն գտած են : 1854ին
Սր. Բէթըրսպուրկի ցուցահանդիսին մէջ փայ-
լեցան իր երկու նկարները, նոճի և Արմա-
ւենի, որոնց համար Հէլլէն Զիգա արծաթ մի-
տալ մընդունեց : Հէյս այս նկարներուն
գեղեցիկ բանաստեղծութիւն մը ձօնած է :

Հեղինակուհին, հիւսիսի տեսարաննե-
րէն գիւթուելով, այդ նկարները գծագրեց :
Նշանաւոր Շուէտցի բանաստեղծուհի, Օր.
Պոէմըր, Աթէնքի մէջ վառ երեակայու-
թեամբ խօսեցաւ հիւսիսի տեսարաններուն

և Արանտինալիւան թերակղիին անթիւ, ըն-
դարձակ նոճիներու անտառներուն վրայ, ո-
րոնց նկարագրութենէն մէկ մաս մը կը գնեմ
հոս . «Հիւսիսային ձմեռուան վայրենի վե-
հափառութիւնը յաւիտենական ձիւնով մը կը
ծածկէ այդ երկրին թափանցիկ մթնոլորտով
ծածկուած անծայր անտառները, որոնց մէջ
արեգակին ճառագայթները հազիւ կը թա-
փանցեն, իսկ անոր ընդարձակ, անբոյս ժայ-
ռերուն յաւիտենական լոռութիւնը միայն կը
վրդովուի աղմկալից բալիսիրներու արագ
վազվառապներէն, որոնք հեշտին բանաստեղծ-
ութիւն մը կը յօրինեն :

Հեղինակուհիին հեղինակած գիրքերուն
մէկ քանի էջերը ուսումնական ընկերութիւն-
ներէ իրեն ի պատիւ տրուած տիտղոսներով
լեցուած են : Վիպական մոդիչ զօրութիւն մը
կար այս կնոջ կեանքին մէջ : Ուսման և զար-
գացման պատճառով ամենուն պաշտելի ե-
ղաւ : Զգացած էր թէ մոքի մեծութիւնը
կեանքի մեծութեան հաւասար պէտք էր ըլլալ :
Եւ այսպէս իր անձին միացուցած էր նկարագրի
զօրութիւն : Սիրահար էր ճշմարտին, բարիին
և գեղեցկին : Խիստ փափուկ և շնորհալից,
համակ սէր, համակ զգացում էր :

Իր արտակարգ գեղեցկութիւնը կատարեալ առողջութեան և հանդարս կենցաղավարութեան արդիւնք էր :

Հելլէն Զիգա Վալաքիոյ Պըչըրէսթ քաղաքին մէջ 1829 Յունվ 29ին ծնաւ։ Մայրը, Ըլպանիացի մը ըլլալով, իր ծնանելէն երկուտարիներ առաջ Վալաքիա գնաց, իսկ հայրը Միքայէլ Զիգան էր :

Հելլիատէս Ռատէլբաքը, բնիկ Ռումանացի բանաստեղծը, փոքրիկ հասակէն Հելլէնի ձօնեց բանաստեղծութիւն մը, որ ի պատիւ իրեն եղած շատ մը գրութեանց երկելիներէն է։ Իր պարզ և բնական գեղեցկութիւնով աւելի կը հետաքրքրէ ընթերցողը քան այն վառվուն և բոցեռանդ երգերը, որոնք իրեն ի պատիւ երգուեցան։ Նաև այս առաջին բանաստեղծութիւնն է, որ գեղեցիկ անունով մը «Ելլէնիցա» կը կոչուի :

Տրիգոտանի մէջ, Անդղիական և Գերմանական գրականութիւնները ուսումնասիրելով, «Պսակեալ Յարուեստա» տիտղոսին արժանացաւ։

Գերմանիոյ Ֆրէտէրիք Ռոկերմ թագաւորը անդամ մը բոլոր բանաստեղծները իր պալատը հրաւիրեց, և խնդրեց որ իրաքան-

չուրը մէկ մէկ բանաստեղծութիւն կարդայ . . . : Հելլէն Զիգա, իր «Բնութեան Պատկերը» անունով բանաստեղծութիւնը առնելով, գեղանի գէմբով ելաւ և քաջաբար թարգմանեց բանաստեղծութիւնը։ Թագաւորը, զարմացած և հիացած անոր չնորհալից ձեւերէն, հարցուց . . . «Ո՞վ է այդ աղջիկը, որ Վէնիւսի նման կը նայի և Աթենասի պէս կը խօսի . . . :» «Հելլէն Զիգան է, » պատասխանեցին :

Իր բոլոր յօրինած գիրքերը, ընդհանրապէս, Գերմանիական, Իտալական և Ֆրանսական Զուիցերիա կը կոչուին։ 1860ին երեան ելան իր գլխաւոր գործերը, «Առանձնական կեանք» և «Կինը», որոնք պատկառանք աղշգին եւրոպայի։ Այս ժամանակ Լոնտոնի Գրական Ակադեմիան հետեւեալ յայտարարութիւնը հրատարակեց։ «Հելլէն Զիգա, համայնագէտ գրադիտուհին, եւրոպական բարձր համբաւ կը վայելէ :»

Նոյն տարին երկու քոյլ հեղինակուհիներ, Հելլէն Զիգա և Օր. Պոէմըր, Աթէնքի մէջ իրարու հանդիպեցան։ Աթէնքի մամուլութիւնակուհիները :

Աթենացի բարձր վարժարանի մը անօրէնը

կ'ըսէ . «Հելլէն Զիդայի եկած օրը գայի զինքը
տեսնելու և շագանակի անտառներուն մէջ
գտայ : Իրեն նկատմամբ կազմած գաղափարս
սա եղաւ թէ աշխարհի տիկինն էր որ կը
տեսնէի . տակաւին գեղեցիկ , 30–35 տարե-
կան : Իր անրիծ գէմիքը , զգուշութեամբ
նկարուած յօնքերը , գեղեցիկ , մութ աչքե-
րը զինքը գեղեցկութեան տիպարին կը հաս-
ցընէին . . . իր հոգին ու կեանքը առած մ'է
խորազնին . . . :»


Օր. Պոէմը , անհուն հիացումի մէջ խո-
րասուղուած , կը գրէ . «Երեկոյին Հելլէն Զի-
դայի հետ իր պատշգամին վրայ կը կայնիմ :
Լրացեալ լուսինը արշալոյսին կողմէ իր փառքը
կը սփռէ Հելլէնի գլխուն արծաթէ պսակին
վրայ : Մութ , գորշ մազերուն մէջ պահուած
ճերմակ գոհարները կը փայլին արտասովոր ,
մինչ մելամաղձական յափշտակութեամբ անիկա
թուած . . . խորասուղուած է հեռուն , մութ ,
անսահման միջոցին մէջ . . . այս բոպէին , ան-
նման գեղեցկութեամբ համակուած , իր նայ-
ուածքը ուղղած է հեռուն : Ո՞հ , այս պաշ-
տելի էակը անմահութեան փառքը հագած
կը վերանար լուսնի այերային ալիքներուն
մէջ միանալու անմահներուն պարերդին , ո-

րոնք գիշերուան այս խորհրդաւոր ժամուն և
լուսթեան մէջ եկած էին մեր խեղճ երկրա-
գունակին մօտ մահկանացուներս ծաղրելու :

Արշալոյսի և վերջալոյսի գիցուհիներէն
աւելի գեղեցիկ եղող այս էակը երբ ժպտէր,
լուսինը կը սարսուար . իսկ երբ արտմէր , բնու-
թիւնը համակ կը սպար . . . անիկա երկնային
էակ մ'էր և ոչ թէ երկրաւոր : Անիկա տակա-
ւին երիտասարդ է մտքով , հոգիով և չորրհքնե-
րով . երկար կեանք , առողջութիւն իրեն թէ
հոգեկան և թէ մարմնական :

Եթէ կուղենք Հելլէն Զիդայի վրայ աւելի
ծանօթութիւն , ուսումնասիրենք իր բազմա-
թիւ գործերը , և հոն պիտի սորվինք թէ կին
մը գրականութեան ինչ զարկ տուաւ : Առ-
նենք «Պտոյտ Մը Լակոյ Մաժէօռի եղելքնե-
րուն վրայ» , 80–90ի չափ ճամբորդական գոր-
ծերը : Լրջօրէն ուսումնասիրենք զանոնք : Յայն-
ժամ սա գաղափարին պիտի հասնինք թէ
ֆիզիքական , հոգեկան և իմացական գեղեց-
կութիւնները կեդրոնացած էին իր վրայ :

Հանճար , հմտութիւն և ուսումնասիրու-
թիւն զինքը աշխարհի էն հիանալի և պաշ-
տելի էակը ըրին :



ԼԵՂՆԱՐԴՈՅ ՏԸ ՎԻՆՉԻ

1452ին Գասթէլլա տը Վինչի մէջ ծնաւ տղայ մը , որուն հայրն էր Բիէռ Վինչի և մայրը՝ Քաթարինէ :

Այս տղան Լէօնարտոյ անունով մկրտուեցաւ : Մանուկ հասակէն իմացական բարձր կարողութիւն և ուսանելու անդրւոպ տենչ մը ցուցուց , և կարճ ժամանակի մէջ ամրող մարէմարիի գիտութեան տիրացաւ :

Լէօնարտոյի ճաշակը զինք կ'առաջնորդէր քաղաքին դաշտերը թափառիլ և ուսումնասիրել բնութիւնը — կանանչ բլուրները և ծաղիկները , սրոնցմով Ֆլորէնս քաղաքը պաշարուած էր : Այս մարդկային էակը իր ուսումնասիրութիւններով ինչ լցուեր բերաւ :

Մահուան ժամանակ գրեց իր բազմաթիւ գործերէն տասներեքը , որոնցմէ մին «Թոնսիյէ Արլանրիյէ» կը կաշուի : Այս անունը ալուած է գործին մեծութեանը նայելով , որ Միլանի Ամպրոսեան թանգարանին մէջ կը գըտնուի : Այս տասներեք գործերէն ոմանք Բարիղի ,

ոմանք Բրիտանական և ոմանք ալ Ուխնտուըրի թագուհին գրադարաններուն մէջ կը գըտնուին : Այս գործերուն մէջ հեղինակին զնող միտքը յստակ կերպով կը փայլի : Ֆլորէնս քաղաքը իր գեղեցկութեամբ համբաւաւոր էր : Եւ բնական էր որ Լէօնարտոյի պէս զաւակ մը ուսումնասիրութեան առարկայ ընէր այս պիսի քաղաքը մը և բնութեան մոդիչ երեւոյթը : Յօրինած գիրքերը բուսականութեան վերաբերեալ գործերը տպայութեան ժամանակ յօրինեց : Տղայ էր երբ փայտին , կեղեկին և տերեններուն կեդրոնական ցօղուններէ իրենց մնունդները առնելու օրէնքը գտաւ : Իրերը լոկ զննելով չէր գոհանար , այլ ինդրին առելի գիտական ձև մը տալու համար գործողութեան կը սկսէր : Ամէն տեսուած բաներէն գիւտ մը կը ստեղծէր , մասնաւորապէս ծառերուն և ծաղիկներուն ներգործիչ բնութեան վրայ : Լէօնարտոյ նաև նկարիչ մ'էր անդուգական , և իր խորհուրդներուն առաջին մարմնացաւմն էր կոյսի մը պատկերը , որուն քով ամանով լցուն ջուր կար , և որ բնութեան էն սիրուն և ճշմարիտ ծաղիկները կը պարունակէր , և ,

դարձեալ, որոնց գունագեղ թերթիկներուն
վրայ ծիրաներփեան կը փալփէին ցօղին կա-
թիները :

Բայց միայն բուսականները չէին որ զին-
քը ուսումնասիրութեան կը հրաւիրէին, այլ
հեղամիմունջ առուակները, որոնք հազարաւոր
փրփրուռեցիկ պղպջակներ պայթեցնելով կը
վաղէին հեռան, մինչև որ կը կորսուէին
աներեռյթ դաշտերուն մէջ, իր հետաքրքրու-
թեան առարկաները կ'ըլլային : Արնոյի ընդար-
ձակ ջուրերը օրն ի բուն ուսումնասիրելով
գաղափարականը գործնականի կը մարմնա-
ցընէր, և ջրաբաշխական բազմաթիւ գործեր
գոյութեան կը բերէր :

Չգած գիրքերէն կ'իմանանք թէ ջրանցք-
ներուն նկատմամբ ալ մեծ հետաքրքրութիւն
ունեցած էր : Հնարեց մեքենաներ, որոնց
շնորհիւ ջուրերը ցած տեղերէն բարձրերը կը
հանէր : Երբ պատանի էր, բացաւ ջրանցք
մը, որուն շնորհիւ Արնոյ Բիզայի և Ֆլո-
րէնսի մէջ ինկաւ : Ուրիշներ այս կերպը 200
տարիներ վերջը գործադրեցին :

Լէոնարտոյ ցուրտ, մթին և խոնաւ տե-
ղեր կ'աշխատէր, սակայն իր այս ցած վիճա-
կէն շուտ բարձրացաւ : Անգամ մը տեսաւ որ

մարդիկ մարմարէ քարի ահագին զանգուած
մը բնական զօրութեամբ, ուժասպառ, կը
ջանային չէնքի մը վրայ հանել, լէոնարտոյ
իսկոյն իր սենեակը առանձնացաւ, և աշխա-
տութեամբ հնարեց մեքենականութեան հա-
զար տեսակները, որոնց մէջ ճախարակի դրու-
թիւնն ալ կար, և այսպէս հանրութեան
գործերը դիւրացուց :

Լէոնարտոյի նկարչութեան և քանդակա-
գործութեան հրաշալի արտադրութիւնները
ցարդ կը մնան : Միլանի մէջ երկու հոյակապ
գործեր սկսաւ, Ֆլանչիսկոյ Սֆորչոյի արձանը
և Յիսուսի վերջին ընթրիքը (նկար) : Այս
վերջինը Սանթա Մարիա եկեղեցին մէջ կը
գտնուի : Ասոր միջոցով լէոնարտոյ իտա-
լիոյ նկարիչներուն գերազանցը հռչակուե-
ցաւ : Միշել Անդէլոն ևս ասոր չէր հաւա-
սարեր, միայն Ռաֆայէլը բացառութիւն կը
կազմէր :

Լէոնարտոյ իր բոլոր կեանքը ուսումնա-
սիրութիւնով անցուց : Երիտասարդներուն մէջ
գեղարուեստներու ճաշակ արթնցուց : Իր թէ
Փիզիքական և թէ նկարագրին գեղեցկու-
թիւնները նկարներուն գեղեցկութեանը կը
հաւասարէին : Միտքը անհուն գանձ մ'էր, որ


Նիւթական աշխարհի մէջ մարդկային խուզարկութիւններու ամենէն հեռի գաշտերը կը թռչուէր : Եւ հիմա իր գործերը ուշադրութիւնները կը քաշեն ետ, մինչև ժե. գարը, ուր մարդկութիւնը կը լողար տգիտութեան, արշալոյսի մօտ եղող, մռայլ խաւարին մէջ, որ քիչ վերջը պիտի փարատէր գիտութեան փառահեղ արեգակէն, լէոնարտոյ առ Վինչիի ծննդեամբ . . . :



ՑԱՆԿ

Shakespeare.	Անդղիացի տիեզերական բանաստեղծ	5
Victor Hugo.	Գաղղիացի աշխարհահոչակ բանաստեղծ	13
Dante.	Իտալացի աշխարհահոչակ բանաստեղծ	21
Byron.	Անդղիացի ծովու սիրահար	25
Carlyle.	Անդղիացի իմաստասէր	29
Longfellow.	Ամերիկացի հռչակաւոր բանաստեղծ	32
Jornson.	Նորվէկիացի ռամիկ բանաստեղծ	36
Alphonse Daudet.	Գաղղիացի նշանաւոր վիպասան	39
William Black.	Անդղիացի նկարիչ բանաստեղծ	45
Helen Chicka.	Ալպանիացի նշանաւոր գրագիտուհի	49
Leonardo de Vinci.	Իտալացի մեքենիստ եւ նշանաւոր նկարիչ	56







ԱՆՈՒՆ ՊԱՏԱՌՆԵՐ. — Բանաստեղծական գողորիկ տետրակ մը. Գհկ. 1

ԹԵՌՈՒԱՌ ԸՆՏԱՆԻՔԸ. — Ժողովրդային կեանքէ առնուած վի-
պակ մը » 2

ԿՐԹՈՒԹԵԱՆ ԴԱՍԵՐ. — Հետեւողութեամբ Ամերիկացի հոչակա-
ւոր հեղինակ Հարվի Նիուզբրմի . » 2

ՄԻԶԱԶԳԱՅԻՆ ԲԱՆԱՍՏԵՂԾՆԵՐԸ » 2^{1/}

ԿԵԴՐՈՆԱՏԵՂԻՆ Է


Պ. ՊԱԼԵՆՑ ԳՐԱՏՈՒՆ

Թիւ 20, Զամամալլար եօգուշու, Կ. Պողիս

Կը գտնուի նաեւ ամեն Հայ գրավաճառաց եւ ջրավա-
ճառ Պօղոս եւ Յակոբ աղաներու քով.

معارف عمومية نظارت جليله سنك ١٢ ذى القعده ٣١٣ و ١٣ نisan

٣١٢ تاريخي و ٦٣ و مرسلي رخصتنامه سبله طبع او لشترر



P. U.

Nº 6403